

# ***Ilanngussağ A***



INATSISARTUT

## Aningaasaqarnermut Aatsitassanullu Naalakkersuisoq

Ulloq: 31. marts 2015  
J.nr.: 01.25.01/15FM-LABU-00008

### Suliffissaaleqinerup annikillisinniarnera siunertaralugu iluarsaassillunilu sanaartugassatut suliassat siuartinneqarneri (14-662).

Ulloq 10. marts 2015-imi ilassutitut aningaasaliissutitut inatsisissatut siunnersuutip siuller-meerneqarnerata kingorna ataatsimiititaliap suliaq siuliani taaneqartoq misissorpaa aammalu allakkatigut kingusinnerpaamik sisamanngornermi ull. 9. april akissuteqarfigeqquneqartunik arlalinnik apeqquteqarnissaq pisariaqartillugu.

#### Apeqqu 1:

Suliffissaaleqinerup annertusiartornera akiorniarlugu aammalu inuiaqatigiinni ingerlatat attatiinnarniarlugit iluarsaanermik sanaartornermillu suliassat siuartinneqarnissaat Naalakkersuisut qinnuteqarnerminni kissaatigaat.

Suliniutit ilaat qanoq amerlatigisut 2014-imi ingerlanneqarsimanersut aammalu sanaartornermik iluarsaanermillu suliassat siuliani taaneqartut ukioq naallugu suliffinnik qassinik pilersitsisimanersut paasissutissiissutigineqassasoq ataatsimiititaliamit kissaatigineqarpoq.

#### Apeqqu 2:

Qinnuteqaammut atatillugu Naalakkersuisut isumaqarput suliniutit ataasiakkaat akimorlugit suliffeqartitsinermik ilinniarfittullu inissat amerlassusaannik sunniutaasup naliliiffigineqarnerata ingerlanneqarnissaa pissusissamisoortoq, tamatuma kissaatigisatut sunniuteqarsimanagera takuniarlugu.

Naliliineq siuliani taaneqartoq ingerlanneqarsimava?

#### Apeqqu 3:

Aserfallatsaaliuinissamik suliassat il.il. assigiinngitsunut piffissami qinnuteqarfimmi nunami sumiiffinnut suli agguataarneqanngitsunut 62,9 mio. kr.-it immikkoortinneqarsimasut Naalakkersuisut qinnuteqaammi paasissutissiissutigaa.

Aserfallatsaaliuinissamik suliassat il.il. nunami sumiiffinnut agguataakkat suut aningaasaliiffigineqarsimanerat pillugu paasissutissat nutartikkat ataatsimiititaliamit kissaatigineqarput.

#### Apeqqu 4:

Piffissakilliorneq pissutigalugu immikkut ittumik iluarsaanissaq pillugu kommunit tusarniarneqarsinnaasimangitsut Naalakkersuisut qinnuteqaammi paasissutissiissutigaa. Taamaattumillu siunissami ingerlanneqartussat pillugit kommunit piaarnerpaamik oqaloqatigineqartussaasut, taamaalilluni kommunini immikkut ittumik suliniutaasinnaasunut suliniut taanna ataqatigiissaarneqarsinnaaqqullugu.

- a) Kommuninik taama oqaloqateqarneq ataqatigiissaarinerlu qanoq ingerlasimanersoq paasissutissiissutigineqassasoq ataatsimiititaliamit kissaatigineqarpoq.

- b) Tamatuma peqatigisaanik tamanna ataatsimiititaliamit ima paasineqassava kissaatit 300 mio. kr.-it missaanni naleqartut tiguneqarsimanerat allaffissornikkut ingerlatsinerup kingunerigaa?

Akissutip kingusinnerpaamik sisamangornermi ulloq 9. april tiguneqarsimanissaa ataatsimiititaliamit kissaatigineqarpoq. Tamatuma peqatigisaanik akissut qarasaasiakcut uunga nassiuteqquneqarpoq: [www.ineqarsimaneq.gl](http://www.ineqarsimaneq.gl).

Ataatsimiititaliap siulittaasua

Jens Holten Andersen

Akingusinnerpaamik Akileraartarnermullu Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq, Inatsisartut

**Suliffissaaleqinerup annikillisinniarnera siunertaralugu iluarsaassillunilu sanaartugassatut suliassat siuartinneqarneri (suliaq 14-662) pillugit tapiliutitut aningaasaliinissamut inatsisissatut siunnersuummut tunngatillugu apeqqufit 10. marts 2015-imi Aningaasaqarnermut Akileraartarnermullu Ataatsimiititaliamit nassiuqqartunik Inuussutissarsiornermut, Suliffeqarnermut, Niuernermut Nunanullu Allanut Tunngassuteqartunut Naalakkersuisup akissutigisai.**

07-04-2015  
Sags nr. SJ-STD-BJSV  
Dok. nr. 1925137

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

Matumuuna suliffissaaleqinerup annikillisinniarnera siunertaralugu iluarsaassillunilu sanaartugassatut suliassat siuartinneqarneri (suliaq 14-662) pillugit tapiliutitut aningaasaliinissamut inatsisissatut siunnersuummut tunngatillugu apeqqufit 10. marts 2015-imi Aningaasaqarnermut Akileraartarnermullu Ataatsimiititaliamit nassiuqqartunik Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalakkersuisup akissutai nassiuqqartut.

***Apeqqufit 1:***

*Suliffissaaleqinerup annertusiartornera akiorniarlugu aammalu inuiaqatigiinni ingerlatat attatiinnarniarlugit iluarsaanermik sanaartornermillu suliassat siuartinneqarnissaat Naalakkersuisut qinnuteqarnerminni kissaatigaat. Suliniutit ilaat qanoq amerlatigisut 2014-imi ingerlanneqarsimanersut aammalu sanaartornermik iluarsaanermillu suliati siuliani taaneqartut ukioq naallugu suliffinnik qassinik pilersitsisimanersut paasisutissiissutigineqassasoq ataatsimiititaliamit kissaatigineqarpoq.*

Akissut: 2015-imi marsip qaammataanut killiffik tassaavoq 57 mio. kr. Sinnitsiarlugit atuisoqarsimanera, taakku 2014-imi annertunerusumik atugaasimallutik. Atuinerup assingaa 2014-imi tamarmi ukiumut suliffigisat 57-it suliffeqarfigitillugit aallartisarsimanerat. Ataani takussutissiaq 1-imi suliniutinut aningaasaliissutaasut qanoq annertutigisut atorsimaneri takuneqarsinnaapput.

Ineqarnerup, suliffeqarfiup, ilinniartitaanerup, umiarsualiviit mittarfiillu, peqqissutsip, isumaginnittoqarfiup kiisalu avatangiisip iluini toqqartukkani katillugit 174,2 mio. kr.-nik nalilinnik immikkut ittutut sanaartornermik

iluarsaassinermillu suliniutinut aallartisaasoqarpoq. Iluarsaassillunilu sanaartugassanik suliniutit immikkut ittutut aallartisarnnerisa ataanni suliniutit tamarmik naammassineqarput, suliaqarfupput imaluunniit suliarinissaannik pilersaarusiorneqarput. Aningaasaliissutaasut tamarmik 2015-ip naanerani suliniutit tamarmik naammassineri ilutigalugit atorsimanissaasa naatsorsuutigineqarnerat Naalakkersuisut ilisimatitsissutigisinnaavaat.

Takussutissiaq 1: 2014-imi iluarsaassillunilu sanaartukkatut tuliniutinik nassuiaatit, nunami sumiiffigisaat, aningaasaliissutit atorsimasallu

Suliniutit nassuiaat	Sumiikk	2014 (Aningaasaliissut mio.kr.)	Aningaasaliissutit atorsimasat 2014
INEQARNEQ, inissianik iluarsaassinerit	Nuuk, Qaqortoq, Tasiilaq, Maniitsoq, Kullorsuaq, Innaarsuit, Niaqornaarsuk, Iglnniarfik	64	20
SULIFFEQARFIK	Ilulissani suliffissarsiuussisarfirmut ilassut	1	0
UMIARSUALIVIIT	Ikamiunut, Kitsissuarsunnut Kullorsuarmullu tulattarfik puitsoq	8,8	2,7
MITTARFIIT	Erngup aqqutaa aamma Kangerlussuarmi, Narsarsuarmi Kulusumilu mittarfiit iluarsaanneri	17,3	17,3
PEQQISSUSEQ	Nukissamik atuinerup pitsaanerpaanngortinnera, kiassaateqarfiit taarsersorneri, napparsimmavinni Nanortalimmi, Qaqortumi, Maniitsumi, Nuummi, Ittoqqortoormiuni, Aasianni, Qasigiannguani il.il.	12,7	7,9
AVATANGIISIT	Anartarfiit imaartarfii nutaat, aamma eqqaavissuarnik saliinerit Qaqortumi nunaqarfiinilu, Narsami nunaqarfiinilu, Nanortalimmi nunaqarfiinilu, Paamiuni, Maniitsumi, Kangerlussuarmi, Ilulissani, Qeqertarsuarmi, Qasigiannguani, Aasianni nunaqarfiinilu	44,5	6
ISUMAGINNINNEQ	Ilaqutariinnut sullissisarfiit iluarsaanneri, Sisimiuni, Nuummi, Qaqortumi Ilulissanilu	5,9	3
ILINNIARTITAANEQ	Nuummi Paamiunilu kollegiallernerit	5	0
Nuna tamakkerlugu aserfallatsaliuineq/eqummik akiuineq	Nuna tamakkerlugu (INI-p illuutai, qinnuteqaatit takkuttut tunngavigalugit)	15	0
KATILLUGIT		174,2	57

Najukkami suliffeqartitsinissaq isumannaarniarlugu iluarsaassillunilu sanaartugassatut suliniutit neqeroortitsissutiginerinut atatillugu neqerooruteqartuusup Kalaallit Nunaanni inuussutissarsiummik

ingerlatsisinaanissaa piumasaqaataavoq, kiisalu tamanna pillugu nalunaarut uppersaatigut neqeroorutitut tamanut ilanngunneqartarnissaa piumasaqaatigineqarluni. Taamaalilluni suliaassap suliffimmut Kalaallit Nunaanni angerlarsimaffeqartumut tunniunneqarnissaa qulakkeerneqarpoq. Kiisalu iluarsaassillunilu sanaartugassatut suliniutit, Avatangiisinik suliaassarfiup ataaniittut suliaassat neqeroortitsissutiginerannut atatillugu najukkami suliffeqarfiit pilersitsinnissaannik tunniussinissamik najoqqutassaqartitaasimapput.

*Apequt 2:*

*Qinnuteqaammut atatillugu Naalackersuisut isumaqarput suliniutit ataasiakkaat akimorlugit suliffeqartitsinermik ilinniarfittullu inissat amerlassusaannik sunniutaasup naliliiffigineqarnerata ingerlanneqarnissaa pissusissamisoortoq, tamatuma kissaatigisatut sunniuteqarsimanera takuniarlugu. Naliliineq siuliani taaneqartoq ingerlanneqarsimava?*

**Akissut:** Sapinngisamik annertunerpaamik suliffeqarfitsisoqalernissaq suliniutini pingartinneqarpoq, taamaalillunilu sapinngisamik annertunerpaamik suliffeqartitsinikkut sunniuteqartitsisoqarneq isumannaarneqarluni. Aningaasaliissutaasumi atugarisat nassatarisaattut suliaqarnerit tunngavigalugit piffissami matumani suliffeqartut amerlassusaannik annertusaaqataasuusooq nalilersorneqarpoq. Suliniutit ataasiakkaat naammassippata ilinniarfittut inissat aamma suliffeqalersullu amerlassusaat tamakkiisut naliliiffigineqassapput.

*Apequt 3:*

*Aserfallatsaaliuinissamik sulianut il.il. assigiinngitsunut piffissami qinnuteqarfimmi nunami sumiiffinnut suli agguataarneqanngitsunut 62,9 mio. kr.-it immikkoortinneqarsimasut Naalackersuisut qinnuteqaammi paasisutissiissutigaat. Aserfallatsaaliuinissamik suliaassat il.il. nunami sumiiffinnut agguataakkat suut aningaasaliiffigineqarsimanerat pillugu paasisutissat nutartikkat ataatsimiititaliamit kissaatigineqarput.*

**Akissut:** Qulaani takussutissiami takutinneqartutut aningaasaliissutit tamarmik 174,2 mio. kr. nunami sumiiffinnut agguataarneqarput. Nuna tamakkerlugu aserfallatsaaliuinernut 15 mio. kr.-nut tunngatillugu, ingammik illoqarfinni oqummik akiuinnermut atugassanut, iliuuserisaq INI suleqatigalugu naammassineqarpoq, taanna najukkani allaffimminnit kissaatigisanik

pissarsiortarluni. Maannakkut Ilulissani, Maniitsumi Sisimiunilu iluarsaassinissaq pilersaarutaavoq.

*Apeqqu 4:*

*Piffissakilliorneq pissutigalugu immikkut ittumik iluarsaanissaq pillugu kommunit tusarniarneqarsinnaasimangitsut Naalakkersuisut qinnuteqaammi paasissutissiissutigaat. Taamaattumillu siunissami ingerlanneqartussat pillugit kommunit piaarnerpaamik oqaloqatigineqartussaasut, taamaalilluni kommunini immikkut ittumik suliniutaasinnaasunut suliniut taanna ataqatigiissaarneqarsinnaaqqullugu.*

- a) *Kommuninik taama oqaloqateqarneq ataqatigiissaarinerlu qanoq ingerlasimanersoq paasissutissiissutigineqassasoq ataatsimiititaliamit kissaatigineqarpoq.*

**Akissut:** Suliniutit ataasiakkaat pilersaaruserfigalugillu suliassat piareersarnerpiaannut kommunit ilanngusimaneqarsimapput. Saniatigut iluarsaassillunilu sanaartugassatut suliniutinik qaammatikkaartumik nalunaaruteqartarnermut kommunit ilapittuuteqartartuupput.

- b) *Tamatuma peqatigisaanik tamanna ataatsimiititaliamit ima paasineqassava kissaatit 300 mio. kr.-it missaanni naleqartut tiguneqarsimanerat allaffissornikkut ingerlatsinerup kingunerigaa?*

**Akissut:** 2014-imili suliffeqartitsinermi sunniuteqarsinnaasunik iluarsaassillunilu sanaartugassatut suliniutaasinnaasunik qulaajaaniarluni allaffissornikkut ingerlassaqarneq naammassineqarpoq.

2014-imi aamma 2015-imi naammassineqarsinnaanerisa saniatigut najoqqutarisassat tassaasimapput:

- suliffeqarfittut immikkoortut ataasiakkaat pingaarnersugassatut siunnersuutigisimasaat,
- nunamut tamarmut suliarisap siannmartinnissaa pillugu kissaatigisaq,
- sanaartorfittut suliaqarfinnut pilersaarutit suliarineqartut tapersersomeri,
- suliffeqarfittut immikkoortunut allanut ilorraap tungaanut malitseqartutut sunniuteqartunik suliniutit, ineriartormullu piujuartitsisumut ilapittuuteqarsinnaasut.

300 mio. kr. missaannik nalilinnik kissaatigisat takkuppet, taamaattumillu taamaallaat pingaarnarpaatitat ilaatinneqarsinnaapput.

Vittus Qujaukitsoq  
Vittus Qujaukitsoq





INATISARTUT

**Aningaasaqarnermut Aatsitassanullu  
Naalakkersuisoq**

Ulloq: 31. marts 2015  
J.nr.: 01.25.01/15FM-LABU-00008

**Great Greenland A/S-imi aningaasaatinut akiliuteqarnissaq pillugu ilassutitut aningaasaliinissamik qinnuteqaat. (14-675).**

Ulloq 10. marts 2015-imi ilassutitut aningaasaliissutinut inatsisissatut siunnersuutip siuller-meerneqarnerata kingorna ataatsimiititaliap suliaq siuliani taaneqartoq misissorpaa aammalu allakkatigut kingusinnerpaamik sisamanngornermi ull. 9. april akissuteqarfigeqquneqartus-sanik arlalinnik apeqquteqarnissaq pisariaqartillugu.

Missingersuusiornermut inatsimmi § 28, imm. 2-p ataqineqartariaqarnerata erseqqissar-nissaa pisariaqartoq ataatsimiititaliaq isumaqarpoq. Aalajangersakkami tassani aalajanger-sarneqarpoq nutaanik aningaasaliissuteqartoqarnissaanik aningaasaliissutinilluunniit allan-gortitsisoqarnissaanik qinnuteqaatit taamaallaat aningaasaqarnikkut iliuusissanut pingaa-rutilinnut aammalu aningaasanut inatsisissap suliarinerani sillimaffigereerneqarsinnaa-simannigtsunut tunngasuusassasut.

Great Greenland A/S-imut puisit amiinik tunisisarneq atuisunut, sulisunut kujataanilu najuk-kani inuiaqatigiinnut assut pingaaruteqartoq ataatsimiititaliamit ilisimaarilluarneqarpoq. Aningaasanik tigoraaannarnik tassangaannartumik ajornartoortoqartillugu ilassutitut anin-gaasaliissuteqarnissamik ukiut tamangajaasa qinnuteqartarnermut taarsiullugu ataavartumik aaqqiissuteqarnissap piaartumik pinissaa ataatsimiititaliamit pingaartutut isigineqarpoq. Tamanna tunngavigalugu Great Greenlandimut aningaasaliinissaq pillugu siunissami ilassutitut aningaasaliissuteqarnissamik qimuteqaatit missingersuusiornermut inatsit naaper-torlugu sillimaffigereerneqarsinnaasimannigtsunut isigineqarsinnaanersut apeqquserneqar-tariaqalersoq ataatsimiititaliaq isumaqarpoq.

Pisussaaffini isumagisinnaaqqullugit Great Greenland A/S ukiuni arlaqartuni aningaasa-liiffigineqartariaqartarsimavoq. Ingerlatseqatigiiffiup puisit amiinik pisortornerminut aam-malu taakkuninnga aqutsinermut aningaasartuutai Namminersorlutik Oqartussanit matussu-serneqartarput. Ingerlatsinernulli aningaasartuutit sinneri ingerlatseqatigiiffiup nammineq aningaasalersortussaavai, ataatsimiititaliarli isumaqarpoq ingerlatsinerup ilaata taassuma naamattumik aningaasalersornissaa ingerlatseqatigiiffiup piffissami sivisunerusumi isuma-gisinnaasimannigikkaa. Taamaattumillu NAFG-mik suleqateqarnermi ajornartorsiutinik silli-maffigereerneqarsinnaasimannigtsunik imaluunniit niuerfiit piffissap ilaani sillimaffigine-qarsinnaanngitsumik ineriartorfiunerannik ingerlatseqatigiiffiup aningaasanik tigoraaan-narnik ajornartorsiuteqarnera kisimi pissuteqanngitsoq ataatsimiititaliaq naliliivoq.

Aningaasartuutinik Namminersorlutik Oqartussanit akilerneqarneq ajortunik matussusiis-sutaasinnaasunik ingerlatseqatigiiffik kaaviiartitsisinnaatinnagu ingerlatseqatigiiffik – qa-norluunniit pitsaatigisumik ingerlanneqaralaruni – maannatut inissittuassaaq. Aamma taa-

maassaaq ingerlatseqatigiiffik ingerlataminik niuerfinni pissutsinut naleqqussaangippat. Taamaattumik ingerlatseqatigiiffik ingerlatsinermut aserfallatsaaliuinernullu aningaasartuutunik aammalu sanaartornermut aningaasartuutunik aningaasalersuisinnaassaguni aammalu aningaasaliissutai akilersinnaassuseqassappata ingerlatseqatigiiffiup ajornartorsiummut tamatumunnga ataavartumik aaqqiissuteqarnissaa ingerlatseqatigiiffimmut aalajangiisuumik pingaaruteqartoq ataatsimiititaliaq isumaqarpoq. Aammalu ataatsimiititaliaq isumaqarpoq ingerlatseqatigiiffiup aningaasalersuutitut annertooujussuarmik aningaasartuuteqarnera aningaasat tigoriaannaat eqqarsaatigalugit piffissami sivisooujussuarmi pitsaangitsorujussuarmik inissisimasimaneranut ersiutaasoq. Ataatsimiititaliaq isumaqarpoq aningaasarpasuit ingerlatseqatigiiffimmut aningaasalersuutitut atorneqarsimasut allatut atorneqarnissaat annertuumik pisariaqartinneqartoq. Allamik periarfissaqartinnagu ataatsimiititaliaq isumaqarpoq aningaasaqarneq siunut saateqqinneqassappat ingerlatseqatigiiffiup sakkussatuartiligaa tassaasoq kiffartuussinissamut isumaqatigiissutit ingerlatseqatigiiffiup aningaasartuutaanut naleqqussarneqarnissaat. Ingerlatseqatigiiffimmi isertitatigut aningaasartuutitigullu pissutsit taamaatsillugit ataatsimiititaliaq naliliivoq ammit pisiarineqartut amerlanerpaartaat eqqarsaatigalugit tunisassiornermi uningasuteqarnermilu aningaasartuutit annertuut akilerneqarnissaannut aningaasaqarnikkut toqqagassaq pitsaanerpaaq tassaalersimasoq igitsineq.

Isertitaqarnissamulli allamik periarfissaqalernissap tungaanut isorliunerusuni nunaqarfinnilu isertitsiffissanik pilersitsinissamik Naalakkersuisut kissaataat ataatsimiititaliamit politikikkut isumaqatigineqarpoq. Taamaattumillu ataatsimiititaliaq isumaqarpoq ammit pisiarineqartut annertuumik ikilineqassanngitsut, ajornartorsiulli kiffartuussinissamik isumaqatigiissutit naleqqussarnerisigut aaqqiivigineqassasoq, tamatumani ingerlatseqatigiiffiup pisiortornissamut pisussaaffia, tamatumalu nassataanik aningaasartuutigisartagai ilanngullugit eqqarsaatigineqassasut.

#### **Apeqquut 1:**

Tamanna tunngavigalugu siuliani isummersuutitut Naalakkersuit isummernissaat aammalu Great Greenland A/S-ip siunissami kiffartuussinissamik isumaqatigiissuteqarfigineqarnissaani isummersuutit taakku Naalakkersuisut isumaliutigisaannut qanoq ilaatinneqarsinnaanerannik naliliinissaq ataatsimiititaliamit ujartorneqarpoq.

Akissutip kingusinnerpaamik sisamangornermi ulloq 9. april tiguneqarsimanissaa ataatsimiititaliamit kissaatigineqarpoq. Tamatuma peqatigisaanik akissut qarasaasiakkut uunga nassiuteqquneqarpoq: [naalakkersuisut@ina.gl](mailto:naalakkersuisut@ina.gl).

Ataatsimiititaliaq siulittaasua

Jens Johansen

Aningaasartuutit Akilerneqarnissat Ingerlatseqatigiiffimmi Ataatsimiititaliaq siulittaasua



Aningaasaqarnermut Akileraartarnermullu Ataatsimilititaliaq, Inatsisartut

**Great Greenland A/S-imi aningaasaliissutit pillugit tapiliutitut aningaasaliinissamik qinnuteqaammut apeqqutininut tunngatillugu Aningaasaqarnermut Ataatsimiititaliamit saaffiginnissummut Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalakkersuisup akissutaa (14-675)**

09. april 2015  
Sagsnr. 2015-112511  
Dok. Nr. 1924238

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isln@nanoq.gl  
www.naalakkersulsut.gl

Matumuuna Great Greenland A/S-imi aningaasaliissutit pillugit tapiliutitut aningaasaliinissamik qinnuteqaammut apeqqutininut tunngatillugu Aningaasaqarnermut Ataatsimiititaliamit saaffiginnissummut Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalakkersuisup akissutaa nassiunneqarpoq (14-675).

**Apeqqummut tunngavigisat**

Missingersuusiormut inatsimmi § 28, imm. 2-p ataqqineqartariaqarnerata erseqqissaa viginissaa pisariaqartinneqartoq ataatsimiititaliaq isumaqarpoq. Aningaasaliissutininut nutaanut imaluunniit allangortinneqartunut qinnuteqaatit taamaallaat pingaaruteqartutut iliuusissanut tunngasuunissaat, aammalu aningaasanut inatsisip akuersissutiginerani siumoortumik takorloorneqarsinnaasi-manningsutunut tunngasuussanerata aalajangersakkap aalajangersaavigai.

Great Greenland A/S-imut puisit amiinik tunisineq Kujataani atuisartunut, suli-sunut najukkamilu inuiaqatigiinnut annertuumik pingaaruteqartoq ataatsimiitita-liap tamakkiisumik ilisimavaa. Taamaattumik tassanngaannartumik akiliisinnaas-sutsikkut ajornartorsiutaasut ikiorsiiviginiarlugit ukiut tamarluinnangajaasa tapi-liutitut aningaasaliinissamik qinnuteqaatit pinnagit piaartumik ataavartussamik aaqqiissutissamik nassaartoqarnissaa ataatsimiititaliap pingaaruteqartutut isu-maqarfigaa. Tamanna tunngavigalugu Great Greenlandimi aningaasaliinissamut siunissami tapiliutitut aningaasaliinissamik qinnuteqaatit pillugit Missingersuu-siornermut inatsimmut tunngatillugu sioqqutsisumik siulittuutigineqarsinnaan-gitsuussanerannik apeqqutilliisoqartariaqalinnginneranik ataatsimiititaliaq isu-maqarpoq.

Pisussaaffimminik isumaginnissinnaaniarluni Great Greenland A/S ukiut arlerlu-git aningaasaliissutisisarsimavoq. Puisit amiinik tunisinernut tassanngalu aqutsi-nermut ingerlatseqatigiiffiup aningaasartuutigisai Namminersorlutik Oqartussanit matussuserneqartarput. Ingerlatsinermi aningaasartuutit sinnerisa aningaasa-lersugaanissaat ingerlatseqatigiiffiup nammineq isumagisartussaavai, inger-latsinerulli ilaanik tassannga ingerlatseqatigiiffik piffissami sivisunerusumi nammineq naammattumik aningaasaliisinnaasimannnginnera ataatsimiititaliaq isumaqarpoq. Taamaattumik ingerlatseqatigiiffiup akiliisinnaassutsimigut ajor-

nartorsiutai NAFG-ip suleqatiginerani naatsorsuutigisimanngisatut ajornartorsiutit nassatarisaannik, imaluunniit niuerfiusumi piffissap ilaani naatsorsuutiginnngisamik allanngoriartortoqarneranik taamaallaat tunngaviatigut patsiseqartuunera ataatsimiititaliap nalilersuutiginnngilaa.

Aningaasartuutunik Namminersorlutik Oqartussanit matussuserneqanngitsunik ingerlatseqatigiiffik kaaviiartitsinermik matussusiinnaasumik angusaqarsinnaanngikkuni maannakkut pisutut ingerlatseqatigiiffik tikitaqartuartaassaaq – qanorluunniit pikkorissuseqartumik sinneri ingerlanneqaraluartulluunniit. Niuerfimmilu atugassarisanut ingerlatsinermik suliaminik ingerlatseqatigiiffiup naleqqussaasannginnerani tamanna aamma pisassaaq. Taamaattumik ingerlatseqatigiiffiup ingerlatsinermut aserfallatsaaliuinernullu aningaasartuutit, sa-naartornermut aningaasartuutit aningaasaliiffigisinnaassagunigit, aamma aningaasaliissutaasut erniaqalersinnaassagunigit ajornartorsiummut tassunga a-taavartussamik aaqqiissummik nassaartoqarnissaata ingerlatseqatigiiffimmuut aalajangiisutut pingaaruteqartuunera ataatsimiititaliaq isumaqarpoq. Aammattaaq piffissap sivisunerusup ingerlanerani ingerlatseqatigiiffiup annertuumik aningaasaliinermut aningaasartuutai ajortupilussuurtut akiliisinnaassuseqarnikkut atukkanut takussutissatut isigineqarsinnaasut ataatsimiititaliaq isumaqarpoq. Ingerlatseqatigiiffimmi aningaasaliinermut aningaasartuutininut annertuumik aningaasaliissutit assut atorfissaqartinneqartut ataatsimiititaliaq isumaqarpoq. Aningaasaqarneq iluarseqqinneqassappat ingerlatseqatigiiffiup aningaasartuutitigut iluseqarfianut kiffartuussinissamik isumaqatigiissutit naleqqussarnissaat allanik pissaqannginnermi ingerlatseqatigiiffimmuut sakkussatuaalersoq ataatsimiititaliaq isumaqarpoq. Ingerlatseqatigiiffiup isertitatigut aningaasartuutitigullu atugaasa isikkoqarneratigut ammit tunisat annerpaartaannut annertuumik tunisassiorlunilu toqqorsinermut aningaasartuutaasunut aningaasaqarnikkut qinigassani allani pitsaanerpaatut eqqaasoqarnissaq isikkoqalersimasoq ataatsimiititaliaq isumaqarpoq.

Taamaattorli allanik isertitaqarfiusinnaasunik nassaartoqarnissaata tungaanut isorliunerusuni nunaqarfinnilu isertitaqarfittut periarfissanik pilersitsisoqarnissaq pillugu Naalakkersuisut kissaatigisaat politikkip tungaatigut ataatsimiititaliap isumaqatigaa. Taamaattumik ammit tunisat amerlassusaanni annertuumik ikilisaasoqassanngitsoq, ajornartorsiulli kiffartuussinissamik isumaqatigiissutit naleqqussarnerisigut iluarsivigineqassasoq ataatsimiititaliaq isumaqarpoq, taak-kunani ingerlatseqatigiiffiup tunisinerni pisussaaffigisaa, tassanngalu malitsi-gisatut aningaasartuutitigut iluserisaq sianiginiarneqassallutik.

*Apeqqu 1:*

*Tamakku tunngavigalugit qulaani taaneqartutut isummersuutininut Naalakkersuisut isumaannik, aammalu siunissami Great Greenland A/S-ilu kiffartuussinissamik isumaqatigiissutinut tunngatillugu Naalakkersuisut isumaliutigisaanni isummersuutit taakku qanoq ilaatinneqarsinnaanissaannik naliliinermik ataatsimiititaliaq ujartuivoq?*

**Akissut;** Great Greenlandip aningaasaqarnermigut atugarisaanut ataavartussamik aaqqiissutit nassaarineqarnissaa pillugu Aningaasaqarnermut Akileraartarnernullu Ataatsimiititaliap isumaqarneranik Naalakkersuisut isumaqataapput.

Great Greenlandip aningaasaqarnerata iluarsiiuginissaanut arlalinnik suliarisat aallartissarnissaannut Naalakkersuisut pilersitaqarsimapput. Ilanngullugu 25. marts 2015-imi Aningaasaqarnermut Akileraartarnermullu Ataatsimiititaliamut nassiunneqartutut oqallisissiami amminut ataasiakkaanut tunisinermut tapiissutit allanngortinnissaannik nassataqartumik kiffartuussinissamik isumaqatigiissummut ilassutip isumaqatiginninniutiginnissaa. AIS 2015-imi aningaasaliissutaasunik akiliutit tamarmiusut qaangiissannginnerat, maannakkullu akiliinissamut piffisaliussat naapertuutsinneqarnissaat kiffartuussinissamut isumaqatigiissummut ilassumut tunngavissiissutaavoq.

Tamatuma saniatigut qulaani taaneqartutut tunngavissiissummi allassimavoq Naalakkersuisut niuernermit iluserititassaq nutaaq pillugu ingerlatseqatigiiffiup siulersuisuunik oqaloqateqarnerit aallartikkaat. Tassani Inuussutissarsiomermit, Suliffeqarnermut Niuernernullu Naalakkersuisoqarfik, Ingerlatseqatigiiffinnut Allattoqarfik, Aningaasaqarnermut Naalakkersuisoqarfik aamma ingerlatseqatigiiffiup kukkunersuisartui suleqatigalugit Great Greenland misisueqqissaarinermit suliamik aallartisaassaaq, ingerlatseqatigiiffiup niuernermit ingerlataqarnerinik nalilersuinermit siunertaqartumik. Ilaatinneqarporlu isertitat piffissamut ungasissumut nukittorsarnissaannut suliarisassanik suliaqarneq, ilanngullugu ammit tunisat pitsaassusaannik pitsanngorsaasussamik iliuusissatut pilersaarusiorneq. Pitsaassutsinut pitsaanerpaaniittutut ammit taamaallaat 10 %-iisa nalunaarsorneqarsinnaanerit tunngavissiissummi nassiunneqartumi oqaatigineqartutut nalilersuutaavoq.

Tamakku saniatigut kaaviiaartitsinermit allanngoriartornermit ingerlatseqatigiiffiup aningaasartuutiminik naleqqussaannissaanut suliaassanik pitsaanerusunik periarfissiisussanik suliaqartoqassaaq. Tassunga atatillugu aningaasaliiffiusup ataani ingerlatseqatigiiffiup pisiaqarnissamut pisussaaffigisaanik puisit amiisa ikinnerulersinnissaannik aalajangiisinnaanermit misissuisoqassaaq. Allatut qinigassatut aningaasartuutini iluserisaq piniartullu allanngorartitamik isumaqatigiissuteqarneq aqutigalugu aamma allanngortinneqarsinnaavoq, taakunani tunisat tunisinerlu attaveqatigiissinneqarsinnaallutik, taamaalilluni anikitsumik tunisinermit tunisaqarsinnaassuseq appartinneqarsinnaalluni.

Tamakku ilutigalugit ingerlatseqatigiiffiup aningaasaliinikkut iluserisaanik misissueqqissaarisooqassaaq. Ullumikkut ingerlatseqatigiiffik nammineq avataaniillu aningaasaliissutit akornanni oqimaqatigiissitsivoq, tamatumalu ingerlatsinermit aningaasartuutit malunnartumik artukkorsorpai. Great Greenland annertungaatsiartumik aningaaserivinnit atoriaannartakkanik taarsigassarsisarnermit, tamatumalu nassatarisaanik annertuunik ernianut aningaasartuutini artukkersorneqarpoq.

Siuliani taasatut tunngavissiissummi Ingerlatseqatigiiffinnut Allattoqarfik, Aningaasaqarnermut Naalakkersuisoqarfik aamma Inuussutissarsiomermit, Suliffeqarnermut Niuernernullu Naalakkersuisoqarfik Great Greenlandimik suleqateqarlutik ingerlatseqatigiiffiup aningaasaqarnerata tunngavigisaanut iluserisinnaasamut nutaamut siunnersuusiomissamut piginnaatinneqarput.

Naggasiutigalugu matumuuna inerniliissutigineqarsinnavoq Great Greenlandimi ajornartorsiutaajuartumik Naalakkersuisut sianigisaqarnerat, tassungalu qulaani taaneqartutut suliniutigut, aammalu Aningaasaqarnermut Akileraartarnerinullu Ataatsimiititaliamut marsip 25-anni nassiunneqartutut Great Greenlandimi unammillerfissanut ataavartumik aaqiissutissamik Naalakkersuisut pilersitsi-niartuupput.

Inussiarnersumik inuulluaqqusillunga





## Aningaasaqarnermut Aatsitassanullu Naalakkersuisoq

Ulloq: 30. marts 2015  
J.nr.: 01.25.01/15FM-LABU-00008

### Great Greenland A/S-imi aningaasaatinut akiliuteqarnissaq pillugu ilassutitut aningaasaliinissamik qinnuteqaat. (14-675).

Ulloq 10. marts 2015-imi ilassutitut aningaasaliissutitut inatsisissatut siunnersuutip siuller-meerneqarnerata kingorna ataatsimiititaliap suliaq siuliani taaneqartoq misissorpaa aammalu allakkatigut kingusinnerpaamik sisamangornermi ull. 9. april akissuteqarfigeqquneqartus-sanik arlalinnik apeqquteqarnissaq pisariaqartillugu.

Nunatsinni tusagassiuutitut naqitanut tapiissutitut aningaasaliissutitut, 2,5 mio. kr.-inik ikilineqartussatut kissaatigineqartunit, nuussinikkut aningaasaliissuteqarnissamik qinnuteqaat Naalakkersuisunit ilaatigut aningaasalersorumaneqarpoq. Tamatumunnga Naalakkersuisut tunngavilersuutigaat tusagassiuutitut tapiissutitut tunineqarnissamik qinnuteqaatinik akuerinnissimanginnertik aammalu qinnuteqarfissatut killigitinneqartup qaangiutereerana. Taamaattumillu Naalakkersuisut isumaqarput aningaasat siunertanut allanut atorneqarsinnaasut.

Tusagassiuutitut tapiissutitut aningaasat immikkoortinneqartut Naalakkersuisunit siunertanut allanut atorneqarnerat ataatsimiititaliamit assorsuaq tupigusuutigineqarpoq. Nunatsinni tusagassiuutitut naqitanut tapiissutitut aningaasaliissutitut Naalakkersuisoqarfiup suliamik ingerlatsinera pillugu suliaq naammassinissaa piffissap taamaalinerani ataatsimiititaliamit suli piareersimaffigineqanngilaq. Qinnuteqaammik uuminnga akuersissutiginninnerup kingunerissavaa aningaasat tunniunneqarsinnaasut nungunneqarnerat aammalu suliaq suli naammassineqanngitsup suliareqqinneqarnissaata isumaarunnera. Taamaattumillu qinnuteqaat taama iluseqartillugu akuerineqarsinnaanngitsoq Aningaasaqarnermut Akileraartarnermullu Ataatsimiititaliaq isumaqarpoq.

Konto pingaarnermi 10.06.24-imi, nunatsinni tusagassiuutitut naqitanut tapiissutitut aningaasaliissutitut nuussinikkut aningaasaliissuteqarnissamik qinnuteqaatip ilaatigut aningaasalersorumaneqarnera ataatsimiititaliamit akueriumaneqanngimmat ilaatigut Naalakkersuisut siulittaasuanik siunersuinissamut ageqqusissummi ataatsimiititaliamit nalunaarutigineqarpoq. Tamatumunnga taarsiullugu konto pingaarneq sorleq atorneqarsinnaasutut isigineqarsinnaanersoq Naalakkersuisunit paasissutissiissutigeqquneqarpoq.

Tusagassiuutitut naqitanut tapiissutitut ukiut siuliinisulli tunniunneqassasut ataatsimiititaliaq isumaqarpoq aammalu kontomik pingaarnermik atuisut assigalugit Naalakkersuisut suliamaalajangiinerat ataatsimiititaliamit isumaqatigineqanngilaq.

Aviisinut tapiissutit 2010-mi aningaasanut inatsisikkut atuutilersinneqarput, aallaqqaammut ukiuni pingasuni atuuttussatut utaqqiisaasumik aaqquissuussinertut, tamatumani aviisinik nassiussinermut immikkut ittumik tapiissutit atorunnaarsinneqarnerisa kingorna aviisinik nuna tamakkerlugu saqqummersartut ingerlatiinnarneqarnissaasa qulakkeerneqarnissaa siu-

nertarineqarluni. Aaqqissuussineq 2013-imi aningaasanut inatsisimmi ataavartunngortineqarpoq. Aningaasanut inatsisissatut siunnersuutip aappasaaneerineqarnissaanut isumaliutissiisummini Aningaasaqarnermut Ataatsimiititaliaq tamanna pillugu ima oqaaseqarpoq:

*"Aviisit nuna tamakkerlugu saqqummersartut tusagassiornikkut pitsaasuunissaat eqqarsaatigalugu taamatut tapiissuteqarnissaq pisariaqartutut isigineqarpoq."*

Naalakkersuisut Tusagassiivimmut Sermitsiaq/AG-mut itigartitsinerminnik tunngavilersuutiminni (piffissap eqquutsinneqarsimannginerata saniatigut) pingaartissimavaat Tusagassiiviup Sermitsiaq/AG'p aningaasaqarnikkut inissisimanerata "tapiissuteqarnissamut tunngavissiiinginnera".

Ataatsimiititaliamit erseqqissaatigineqassaaq konto pingaarnermi 10.06.24-mi missingersuutit immikkoortiternerini (qinnuteqarfissamut piffissaliussap saniatigut) piumasagaat ataasiinnaamat: Qinnuteqartunut piumasarineqarpoq sapaatit akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqassasoq.

Naalakkersuisut akissutaat tunngavigalugu apeqqutit arlallit akissuteqarfigeqqullugit Allattoqarfiup inatsisilerinerimut immikkoortortaa Aningaasaqarnermut Ataatsimiititaliamit qinuigineqarpoq.

Allattoqarfiup inatsisilerinerimut immikkoortortaa akissuteqaammimi ilaatigut ima oqaaseqarpoq:

*"2014-imut aningaasanut inatsisissap akuerineqarnerani Inatsisartunit oqaatigineqarpoq tapiissuteqartarnissaq suli pisariaqartutut Inatsisartunit isigineqartoq. Aningaasanut inatsisissatut siunnersuummik saqqummiussinermikkut Naalakkersuisut aamma taama isumaqarnertik takutippaat."*

Aammalu akissummi ilaatigut ima allassimasoqarpoq:

*"Taamaallitlatalu piumasagaatitut aalajangersarneqarsimasunik naammassinnittumik qinnuteqartoqarnerani aningaasanik immikkoortinneqartunik Naalakkersuisut atuinissamut pisussaaffeqarnerannik apeqqut uterfigaarput."*

*Kontomi pingaarnermi 10.06.24-mi missingersuutit immikkoortiternerini allassimammatt aningaasaliissutit qinnuteqaateqarsimasut akuerisat akornanni agguanneqassasut, tamanna ima paasineqarsinnaasorinarpoq aningaasaliissutit tarmiusut qinnuteqartumut piumasagaatinik naammassinnittunut PINNGITSOORATIK agguanneqassasut. Oqaaseqatigiit "qinnuteqartut piumasagaatinik naammassinnittut" atornagit oqaaseqatigiit "qinnuteqarsimasut akuerisat" atorneqarsimanagerat aamma ima paasineqarsinnaavoq qinnuteqartut missingersuutit immikkoortiternerini piumasagaatinik naammassinnissimasut aningaasat siunertamut immikkoortinneqarsimasut ilaannik pisinnaatitaasut.*

*Missingersuutit immikkoortiternerinik taamatut paasinninnerup kinguneraa piumasagaatitut aalajangersarneqarsimasunik naammassinnittunik qinnuteqartoqarpat aningaasanik immikkoortinneqartunik atuinissamut (taakkulu tamakkerlugit atorneqarnissaannut) Naalakkersuisut pisussaaffeqartut."*

Inatsisilernerimut immikkoortortamut allakkamini ataatsimiititaliaq aamma allappoq Naalakkersuisut 22. august akissumminni oqaatigigaat tupaallaatigigitsik "suliamik peqqissaartumik ingerlatsineq aammalu inuiaqatigiinnut sipaarutaasumik aningaasatigullu illersor-



neqarsinnaasumik aalajangiisoqarnera” Aningaasaqarnermut Ataatsimiititaliamit apeqquserneqarmat.

Allassimasoq Aningaasaqarnermut Ataatsimiititaliamit “eqqumiigineqarlunilu naleqqutinnigitsutut isigineqarpoq”, tamannalu tunngavigalugu ataatsimiititaliap apeqqutinik Naalakkersuisoqarfiup sulianik ingerlatsineranut attuumassuteqartunik apeqquteqarnera inatsisartutigoortumik suleqatigiinnikkut ”tupaallannartutut” isigineqarsinnaanersoq inatsisilerinerimut immikkoortortamut apeqqutigalugu. Apeqqut inatsisilerinerimut immikkoortortamit ima akineqarpoq:

*”Inatsisilerinerimut immikkoortortap uppernarsarsinnaavaa Inatsisartut suleriaasianni § 14 naapertorlugu Inatsisartut ataatsimiititaliaata pisussaaffigigaa ilaatigtut Naalakkersuisumut apeqquteqartarnermigut suliassaqaarfimmi iluani ingerlatsinermik malittarinninnissaq aammalu Naalakkersuisut inatsisitigtut killissarititat iluanni ingerlatsinikkulluunniit ileqqorissaarnerimut tunngatillugu killigititat iluanni ingerlatsinissaat nakkutigissallugu.*

*Taamaattumillu suliarmut Aningaasaqarnermut Ataatsimiititaliap apeqquteqarsimanagera Naalakkersuisut oqaaseqaateqarneranni (toqqaannartumik toqqaannangik-kaluamilluunniit) uparuarneqarsimappat taamaaliorneq Aningaasaqarnermut Ataatsimiititaliap atuuffiamut suliassaamillu kukkusumik paasinninnermik imaluunniit naammangitsumik paasisimasaqarnermik tunngaveqarsimassaaq.”*

#### **Apeqqut 1:**

Siuliani allassimasut tunngavigalugit nunatsinni tusagassiuutinut naqitanut tapiissutinik qinnuteqaatinik suliarnittarnerimut najoqqutassanik erseqqinnerusunik Naalakkersuisut suli-aqarsimanersut ataatsimiititaliamit paaserusunneqarpoq.

#### **Apeqqut 2:**

Konto pingaarnermut 10.06.24-mit, nunatsinni tusagassiuutinut naqitanut tapiissutinik, qinnuteqarnissamut Naalakkersuisut piumasaqaataat il.il. pillugit atuisut qanoq paasissutissineqartarnerisut paasissutissiissutigineqassasoq ataatsimiititaliamit kissaatigineqarpoq.

#### **Apeqqut 3:**

Tapiissutitut aningaasaliussanik qinnuteqaatinik akuersinissamut piumasaqaatinik ersarilluinnartunik aningaasanut inatsimmi kontoni sorlarni missingersuutit immikkoortiternerini allassimasoqartoq Naalakkersuisut isumaqarpat?

Taamaattoqanngippat tapiissutinik tunniussinissami tunngaviit nalornissutigineqarsinnaanerat pinngitsoortissinnaaqqullugu kontoni pingaarnerni sorlarni missingersuutit immikkoortiterneri ersarissarneqarsinnaasutut Naalakkersuisuni isigineqarpat?

Akissutip kingusinnerpaamik sisamanngornermi ulloq 9. april tiguneqarsimanissaa ataatsimiititaliamit kissaatigineqarpoq. Tamatuma peqatigisaanik akissut qarasaasiakktut uunga nassuteqquneqarpoq: [saam@inatsisartut.gl](mailto:saam@inatsisartut.gl).

Ataatsimiititaliap sulissutut

Ataatsimiititaliap sulissutut

Ataatsimiititaliap sulissutut Ataatsimiititaliap sulissutut



**Allakkat kimukarneri:**

Inatsisartut Aningaasaqarnermut Ataatsimiititaliaat

**Great Greenland A/S-imi aningaasaatinut akiliuteqarnissaq pillugu ilassutitut  
aningaasaliinissamik qinnuteqaat pillugu apeqqummut akissutit**

26-03-2015

Matumuuna Aningaasaqarnermut Ataatsimiititaliap apequtigisimasaanut  
Inuussitissarsiornermut, Suliffeqaqarnermut, Niuernermut Nunanullu Allanut  
Naalakkersuisoqarfiup akissutai Aningaasaqarnermut Ataatsimiititaliamut  
suliassanngorteqqillugit ingerlateqqippakka.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.nanoq.gl

Inussiarnersumik inuulluaqqusillunga

Andreas Uldum



## Allakkat kimukarneri:

Inatsisartut Aningaasaqarnermut Ataatsimiititaliaat

### Great Greenland A/S-imi aningaasaatinut akiluteqarnissaq pillugu ilassutitut aningaasaliinissamik qinnuteqaat (14-675) pillugu apeqqutitut akissutit

26-03-2015

Matumuuna Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisoqarfiuk apeqqutitut akissutai nassiuppakka.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.nanoq.gl

#### Apeqqut:

Ulloq 10. marts 2015-imi ilassutitut aningaasaliissutitut inatsisissatut siunnersuutip siullermeerneqarnerata kingorna ataatsimiititaliap suliaq siuliani taaneqartoq misissorpaa aammalu allakkatigut kingusinnerpaamik sisamanngornermi ull. 9. april akissuteqarfigeqquneqartussanik arlalinnik apeqquteqarnissaq pisariaqartillugu.

Nunatsinni tusagassiuutitut naqitanut tapiissutitut aningaasaliissutitut, 2,5 mio. kr.-inik ikilineqartussat kissaatigineqartunit, nuussinikkut aningaasaliissuteqarnissamik qinnuteqaat Naalakkersuisunit ilaatigut aningaasalersorumaneqarpoq. Tamatumunnga Naalakkersuisut tunngavilersuutigat tusagassiuutitut tapiissutitut tunineqarnissamik qinnuteqaatinik akuerinnissimanninnertik aammalu qinnuteqarfissatut killigitinneqartup qaangiutereenera. Taamaattumillu Naalakkersuisut isumaqarput aningaasat siunertanut allanut atorneqarsinnaasut.

Tusagassiuutitut tapiissutitut aningaasat immikkoortinneqartut Naalakkersuisunit siunertanut allanut atorniarneqarnerat ataatsimiititaliamit assorsuaq tupigusuutigineqarpoq. Nunatsinni tusagassiuutitut naqitanut tapiissutitut aningaasaliissutitut Naalakkersuisoqarfiup suliamik ingerlatsinera pillugu suliap naammassinissaa piffissap taamaalinerani ataatsimiititaliamit suli piareersimaffigineqanngilaq. Qinnuteqaammik uuminnga akuersissutiginninnerup kingunerissavaa aningaasat tunniunneqarsinnaasut nungunneqarnerat aammalu suliap suli naammassineqanngitsup suliareqqinneqarnissaata isumaarunnera. Taamaattumillu qinnuteqaat taama iluseqartillugu akuerineqarsinnaanngitsoq Aningaasaqarnermut Akileraartarnermullu Ataatsimiititaliaq isumaqarpoq.

Konto pingarnermi 10.06.24-imi, nunatsinni tusagassiuutitut naqitanut tapiissutitut aningaasaliissutitut nuussinikkut aningaasaliissuteqarnissamik qinnuteqaatip ilaatigut aningaasalersorumaneqarnera ataatsimiititaliamit akueriumaneqanngimmat ilaatigut Naalakkersuisut siulittaasuanik siunersiuinissamut aggeqqusissummi ataatsimiititaliamit nalunaarutigineqarpoq.

Tamatumunnga taarsiullugu konto pingarneq sorleq atorneqarsinnaasutut isigineqarsinnaanersoq Naalakkersuisunit paasissutissiissutigeqquneqarpoq. Tusagassiuutitut naqitanut tapiissutit ukiut siuliinisulli tunniunneqassasut ataatsimiititaliaq isumaqarpoq aammalu kontomik pingaarnermik atuisut assigalugit Naalakkersuisut suliame aalajangiinerat ataatsimiititaliamit isumaqatigineqanngilaq.

Aviisinut tapiissutit 2010-mi aningaasanut inatsisikkut atuutilersinneqarput, aallaqqaammut ukiuni pingasuni atuuttussatut utaqqiisaasumik aaqquissuussinertut, tamatumani aviisinik nassiussinermut immikkut ittumik tapiissutit atorunnaarsinneqarnerisa kingorna aviisinik nuna tamakkerlugu saqqummersartut ingerlatiinnarneqarnissaasa qulakkeerneqarnissaasiunertarineqarluni. Aaqquissuussineq 2013-imi aningaasanut inatsisimmi ataavartunngortinneqarpoq. Aningaasanut inatsisissatut siunnersuutip aappasaaneerneqarnissaanut isumaliutissiissummini Aningaasaqarnermut Ataatsimiititaliaq tamanna pillugu ima oqaaseqarpoq:

”Aviisit nuna tamakkerlugu saqqummersartut tusagassiornikkut pitsaasuunissaat eqqarsaatigalugu taamatut tapiissuteqarnissaq pisariaqartutut isigineqarpoq.”

Naalakkersuisut Tusagassiivimmu Sermitsiaq/AG-mut itigartitsinerminnik tunngavilersuutiminni (piffissap eqquutsinneqarsimannginerata saniatigut) pingaartissimavaat Tusagassiiviup Sermitsiaq/AG’p aningaasaqarnikkut inissisimanerata ”tapiissuteqarnissamut tunngavissinnginnera”. Ataatsimiititaliamit erseqqissaatigineqassaaq konto pingaarnermi 10.06.24-mi missingersuutit immikkoortiternerini (qinnuteqarfissamut piffissaliussap saniatigut) piunasaqaat ataasiinnaammat: Qinnuteqartunut piunasarineqarpoq sapaatit akunneri tamakkerlugit nuna tamakkerlugu aviisinik kalaallisut danskisullu naqitanik saqqummertoqassasoq.

Naalakkersuisut akissutaat tunngavigalugu apeqqutit arlallit akissuteqarfigeqqullugit Allattoqarfiup inatsisilerinermut immikkoortortaa Aningaasaqarnermut Ataatsimiititaliamit qinnuigineqarpoq.

Allattoqarfiup inatsisilerinermut immikkoortortaa akissuteqaammimi ilaatigut ima oqaaseqarpoq:

*”2014-imut aningaasanut inatsisissap akuerineqarnerani Inatsisartunit oqaatigineqarpoq tapiissuteqartarnissaq suli pisariaqartutut Inatsisartunit isigineqartoq. Aningaasanut inatsisissatut siunnersuummik saqqummiussinermikkut Naalakkersuisut aamma taama isumaqarnertik takutippaat.”*

Aammalu akissummi ilaatigut ima allassimasoqarpoq:

*”Taamaalillutalu piunasaqaatitut aalajangersarneqarsimasunik naammassinnittumik qinnuteqartoqarnerani aningaasanik immikkoortinneqartunik Naalakkersuisut atuinissamut pisussaaffeqarnerannik apeqqut uterfigaarput.”*

*Kontomi pingaarnermi 10.06.24-mi missingersuutit immikkoortiternerini allassimammat aningaasaliissutit qinnuteqaateqarsimasut akuerisat akornanni agguaanneqassasut, tamanna ima paasineqarsinnaasorinarpoq aningaasaliissutit tamarmiusut qinnuteqartunut piumasqaatinik naammassinnittunut PINNGITSOORATIK agguaanneqassasut. Oqaaseqatigiit "qinnuteqartut piumasqaatinik naammassinnittut" atornagit oqaaseqatigiit "qinnuteqarsimasut akuerisat" atorneqarsimanerat aamma ima paasineqarsinnaavoq qinnuteqartut missingersuutit immikkoortiternerini piumasqaatinik naammassinnissimasut aningaasat siunertamut immikkoortinneqarsimasut ilaannik pisinnaatitaasut.*

*Missingersuutit immikkoortiternerinik taamatut paasinninnerup kinguneraa piumasqaatitut aalajangersarneqarsimasunik naammassinnittunik qinnuteqartoqarpat aningaasanik immikkoortinneqartunik atuinissamut (taakkulu tamakkerlugit atorneqarnissaannut) Naalakkersuisut pisussaaffeqartut."*

Inatsisilernermit immikkoortortamut allakkamini ataatsimiititaliaq aamma allappoq Naalakkersuisut 22. august akissumminni oqaatigigaat tupaallaatigigitsik "suliamik peqqissaartumik ingerlatsineq aammalu inuiaqatigiinnut sipaarutaasumik aningaasatigullu illersorneqarsinnaasumik aalajangiisoqarnera" Aningaasaqarnermut Ataatsimiititaliamit apeqquserneqarmat.

Allassimasoq Aningaasaqarnermut Ataatsimiititaliamit "eqqumiigineqarlunilu naleqqutinngitsutut isigineqarpoq", tamannalu tunngavigalugu ataatsimiititaliap apeqqutinik Naalakkersuisoqarfiup sulianik ingerlatsineranut attuumassuteqartunik apeqquteqarnera inatsisartutigoortumik suleqatigiinnikkut "tupaallannartutut" isigineqarsinnaanersoq inatsisilerinermit immikkoortortamut apeqqutigalugu. Apeqqut inatsisilerinermit immikkoortortamit ima akineqarpoq:

*"Inatsisilerinermit immikkoortortap uppernarsarsinnaavaa Inatsisartut suleriaasianni § 14 naapertorlugu Inatsisartut ataatsimiititaliaata pisussaaffigigaa ilaatigut Naalakkersuisunut apeqquteqartarnermigut suliassaqarfimmi iluani ingerlatsinermik malittarinninnissaq aammalu Naalakkersuisut inatsisitigut killissarititat iluanni ingerlatsinikkulluunniit ileqqorissaarnermit tunngatillugu killigitat iluanni ingerlatsinissaat nakkutigissallugu.*

*Taamaattumillu suliamut Aningaasaqarnermit Ataatsimiititaliap apeqquteqarsimanera Naalakkersuisut oqaaseqaateqarneranni (toqqaannartumik toqqaannanngikkaluamilluunniit) uparuarneqarsimappat taamaaliorneq Aningaasaqarnermit Ataatsimiititaliap atuuffianut suliassaanullu kukkusumik*

*paasinninnermik imaluunniit naammangitsumik paasisimasaqarnermik tunngaveqarsimassaaq.”*

**Apeqquut 1:**

*Siuliani allassimasut tunngavigalugit nunatsinni tusagassiuutinut naqitanut tapiissutininik qinnuteqaatinik suliarinnittarnermut najoqqutassanik erseqqinnerusunik Naalakkersuisut suliaqarsimanersut ataatsimiititaliamit paaserusunneqarpoq.*

**Apeqquut 2:**

*Konto pingaarnermit 10.06.24-mit, nunatsinni tusagassiuutinut naqitanut tapiissutininik, qinnuteqarnissamut Naalakkersuisut piumasaqaataat il.il. pillugit atuisut qanoq paasissutissinneqartarnermut paasissutissiisutigineqassasoq ataatsimiititaliamit kissaatigineqarpoq.*

**Apeqquut 3:**

*Tapiissutitut aningaasaliussanik qinnuteqaatinik akuersinissamut piumasaqaatinik ersarilluinnartunik aningaasanut inatsimmi kontoni sorlarni missingersuutit immikkoortiternerini allassimasoqartoq Naalakkersuisut isumaqarpat?*

*Taamaattoqanngippat tapiissutininik tunniussinissami tunngaviit nalornissutigineqarsinnaanerat pinngitsoortissinnaaqullugu kontoni pingaarnermi sorlarni missingersuutit immikkoortiterneri ersarissarneqarsinnaasutut Naalakkersuisuni isigineqarpat?*

**Akissut:**

Siullertut ilisimatitsissutigineqassaaq konto pingaarneq 10.06.24 Nunatsinni tusagassiuutitigut naqitanut tapiissutit Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmut suliasatut nuunneqarnikummat, matumuunalu tassangaanniik apeqquutit ataatsikkut ataatsimut akissuteqarfineqassallugit.

Naalakkersuisut isumaqarput kontomut pingaarnermut pineqartumut apequtigineqartut Aningaasaqarnermut Ataatsimiititaliap AIS 2015-imut atatillugu apeqqutaasa akineqarnerini tamakkerlugit akissuteqarfigineqareersut. Naalakkersuisut tassani akissutinut innersuusserusupput. Akissuteqaat Aningaasaqarnermut Ataatsimiititaliap AIS 2015-imut atatillugu apeqquteqarnerini apeqqutip 5.1 Konto pingaarneq 10.06.24 Nunatsinni tusagassiutitigut naqitanut tapiissutit ataani atuarneqarsinnaavoq.

Inussiarnersumik inuulluaqqusillunga



Andreas Uldum



INATSISARTUT

**Aningaasaqarnermut Aatsitassanullu  
Naalakkersuisoq**

Ulloq: 23. marts 2015  
J.nr.: 01.31.06/14-00678

**Kiffartuussinissamik isumaqatigiissutinik akuersissutiginnitarneq. (Suliaq nr. 01.31.06/14-00678).**

Kiffartuussinissamik isumaqatigiissuteqarnissamut Naalakkersuisunut piginnaatitsiffiusumik aningaasanut inatsisaagallartumik Inatsisartut akuersissutiginninnerat tunngavigalugu qinuteqaat nassiunneqarpoq. Suliassat taamaanneranni suliament isummernini ataatsimiititaliap isumaqatigiittup aalajangiusimavaa. Kiffartuussinissaq pillugu nutaanik isumaqatigiissuteqartoqarnissaanik itigartitsinini aammalu kiffartuussinissamik isumaqatigiissutit atuuttut sivitsorneqarnissaat ataatsimiititaliap aalajangiusimavaa.

Taamaattumillu kiffartuussinissamik isumaqatigiissutit atuuttut ukiumik ataatsimik sivitsorneqarnissaannik Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit akuerineqarpoq aammalu ataatsimiititaliap kissaatai Naalakkersuisunit tusaanarneqarsimanerat ataatsimiititaliamit nuannaarutigineqartoq oqaatigineqarluni.

Tassunga atatillugu kontomut pingaarnermut attuumassuteqartumut 72.20.05-imut, ilaasunik angallassinermut tapiissutinut tunngasumut, oqaasertaliussat allanngortinneqarnissaannik Naalakkersuisut AIS 2015-imi siunnersuutaat paasinnittumik pissuseqarfigineqarmat ataatsimiititaliamit oqaatigineqassaaq. Tassani ilassut imaattoq allassimammat ataatsimiititaliamit tusaatissatut tiguneqarpoq:

”Isumaqatigiissutit isumaqatiginninniutigineqarnissaat sioqqullugu Naalakkersuisut isumaqatiginninniaqataasussamik peqataatitaqassapput, Inatsisartut Aningaasaqarnermut-Akileraartarnermullu Ataatsimiititaliaanik akuerineqartussamik. Isumaqatiginninniutissaq aningaasatigut atugassarititaasunik angallassiviusussallu ataasiakkaat qanoq akulikitsigisumik tikinneqartarnissaannik imaqarpoq.”

Apeqqut:

Suliami tassani Naalakkersuisut suliament nangitsinerat sumut killippa?

Ataatsimiititaliap Siunnersuut:

Jens Inmanuelson

Aningaasaqarnermut Akileraartarnermullu Ataatsimiititaliap siulittaasua





Inatsisartut Aningaasaqarnermut Akileraartarnermullu Ataatsimiititaliaat  
/MAANI

20. april 2015  
Sagsnr. 2015-114183  
Dok. Nr. 1940914

**Ilaasunik angallassineq pillugu kiffartuussinissamik isumaqatigiissutinik  
akuersissuteqartarnek AIS-imi konto 70.20.05 pillugu**

Postboks 909  
3900 Nuuk  
Tlf. (+299) 34 50 00  
Fax (+299) 32 52 86  
E-mail: isan@nanoq.gl  
www.nanoq.gl

Aningaasaqarnermut Akileraartarnermullu Ataatsimiititaliap apeqquataa 23. marts 2015-imeersoq, ilaasunik angallassinermut tunngatillugu kiffartuunneqarnissamik isumaqatigiissutit pillugit suliaqarnerup ingerlaqqinnissaanut tunngasoq, suliaasaqarfimmu akisussaasuusutut akissuteqarfigeqqullugu Aningaasaqarnermut Aatsitassanullu Naalakkersuisup qinnuigaanga.

Ilsimaneqartutut ilaasunik angallassinermut kiffartuunneqarnissamut isumaqatigiissutinut tunngatillugu 2014-imi neqeroortitsineq ingerlanneqarpoq, aammalu tamanna sioqqullugu soqutigisaqartut akornanni – ilanngullugu kommunini – kissaatigineqartut pisariaqartinneqartullu paasiniarniarlugit tusarniaaneq ingerlanneqarpoq.

Aningaasanut inatsimmi aningaasatigut killissaliussat atugassiisutigineqartut takuneqarsinnaapput, aammalu paasinninnera malillugu ukiaanerani isumaqatiginninniarnarit nalaanni killissaliussat iluanni pitsaasumik angusaqartoqarpoq. Taamaalillunga qularutiginnigilluinnarpara, kiffartuunneqarnissamut isumaqatigiissutinut nutaanut isumaqatigiissuteqartoqartussanngorpat, inerisaqqinneqarsinnaasunik najoqqutassaqarluartoq.

Tamanna tunngavigalugu qaammatip ataatsip missaata iluani suliap ingerlaqqinnissaanut isumaqatiginninniarnissamik piginnaatitsissummik ilaqartumik ingerlatitsinissamut pilersaarut Naalakkersuisut suliarissagaat naatsorsuutigaara. Tamatuma kingorna maajip ingerlanerani, aasaanerani sulinngiffeqarnissaq nallinnginnerani inaarutaasumik isumaqatigiissuteqarnissaq siunertaralugu, suliaqartuusussat ataaseq arlallilluunniit isumaqatiginninniaqatigineqarsinnaassapput. Taamaaliornikkut suliaqartuusussat allannguutininut sullissinissamut isumaqatigiissutit nutaat, taakkua ukiup nikerinnerani atuutilerpara malitsigisimasinnaasaannut piareersarnissaminut ukiup affaata missaani piffissaqassapput.

Inussiarnersumik inuulluaqqusillunga

  
Knud Kristiansen



INATSISARTUT

**Aningaasaqarnermut Aatsitassanullu  
Naalakkersuisoq**

Ulloq: 23. marts 2015  
J.nr.: 01.31.06/14-00679

**Nunaminerals A/S-imut aningaasaliissuteqarneq. (Suliaq nr. 01.31.06/14-00679).**

NunaMinerals A/S-imut 4,5 mio. kr.-inik tapiissuteqarnissamik Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit akuerineqarpoq. Ingerlatseqatigiiffiup matunissaanik ulorianartorsiortitsisumik aningaasaliisussanik ajornartorsiuteqarneq qinnuteqaammut tunuliaqutaavoq. Ingerlatseqatigiiffik aningaasaliisussanik allanik pissarsisinnaanngimmat Namminersorlutik Oqartussat aningaasaliinissaat kingulertut periarfissaasimavoq.

Aningaasat piffissamut november 2014-imit 2015-imi januarip naaneranut matussusiisussaasimapput ingerlatseqatigiiffiullu januar 2015-ip naanerata kingorna ingerlaannarnissaanut aningaasalersuutissanik allanik pissarsinissaq ingerlatseqatigiiffiup suliasarisimallugu.

Ingerlatseqatigiiffiup ingerlaannarnissaa qulakkeerniarlugu aningaasat pisariaqartinneqartut pissarsiariniarneranni Naalakkersuisut akuusimasut attaatsimiititaliamit ilisimaneqarpoq.

Apeqqut:  
Suliaq taanna sumut killippa?

Ataatsimiititaliap siunertulugu

Jens Immannuelson

Aningaasaqarnermut Akileraartarnermullu Ataatsimiititaliap siulittaasua

## **Naalakkersuisut Siulittaasuut**

15-04-2015

Suliap normua: 2015-105425

Oqaluuserisassani imm.: 3b

## **Naalakkersuisunut ilisimatitsissut**

### **NunaMinerals A/S pillugu suliap killiffia**

Matumuuna ilisimatitsissutigineqassaaq Namminersorlutik Oqartussanit ilaannakortumik pigineqartumi NunaMinerals A/S-imi aningaasaqarnerata suliareqarnerani killiffik.

Ulloq 20. februar 2015 Aningaasaqarnermut Akileraartarnermullu Ataatsimiititaliamut ilisimatitsissutigineqarpoq, namminersortunik soqutiginnittunik NunaMinerals A/S-ip ingerlateqqinnissaanik kissaateqartoqassapat periarfissatut Namminersorlutik Oqartussat tunuarsimaarfignianngikkaat. Ullup 20. februar 2015-ip kingorna Londonimeersoq Greenland Mining Management (GMM) peqatigalugu ingerlatseqatigiiffiup ingerlaannarnissaanut iliuusissat periarfissallu pillugit allakkatigut attaveqatigiinnerit ingerlanneqarput.

Naalakkersuisut Siulittaasuata Naalakkersuisoqarfiata Aningaasaqarnermut Naalakkersuisoqarfik aamma Aatsitassanut Ikummatissanullu Naalakkersuisoqarfik qanimut suleqatigalugit GMM-imi pisortaq, NunaMineralsimi siulersuisut pisortarlu oqaloqatigaat. Oqaloqatigiinnerit e-mailikkut ataatsimeqatigiittarnikkullu ingerlanneqarpoq. Tamanna toqqammavigalugu NunaMinerals makiteqqinniarlugu GMM-ip aqqiissutissamik nassaarniarnera periarfissikkumallugu Namminersorlutik Oqartussat taarsigassarsiaritit 4,5 mio. koruunit akilersinniarnissaat unitsikkallarpat.

Kisiannili GMM suliambut pingaaruteqarluinnartutigut isumaqatigineqanngimmat, GMM-imik oqaloqateqarnerup ingerlateqqinneqarnissaa tunngavissaqarsorineqanngilaq. Pisut ingerlanerisa naatsumik tullerriaarneri imaapput:

1. Ulloq 24. februar GMM-ip isumaqatigiissutissamut missingiut amigaatilerujussuaq Namminersorlutik Oqartussanut nassiuppaa.
2. Naalakkersuisut Siulittaasuata Naalakkersuisoqarfiata, Aningaasaqarnermut Naalakkersuisoqarfiup aamma Aatsitassanut Ikummatissanullu Naalakkersuisoqarfiup akissutissaq itisiliiffiusoq suliarealugu ullut tulliuuttut atorpaat, taannalu GMM-imut ulloq 27. februar 2015 nassiunneqarpoq.
3. GMM-i arlaleriarluni tuavisaarneqartareerluni ulloq 27. marts 2015 akissuteqaat Namminersorlutik Oqartussat aatsaat tiguaat. Akissuteqaat imaqaanngitsorujussuuvoq aammalu apequtit piumasaqaatillu Namminersorlutik Oqartussat 27. februar 2015 allagaanniittut akineqaratik.

Matuma siuliani allassimasut tunngavigalugit Naalakkersuisut Siulittaasuata Naalakkersuisoqarfiata inassutigaa GMM-imik oqaloqateqarneq tassunga killitsinneqassasoq, taamaalilunilu allakkat GMM-ip NunaMinerals A/S-imut soqutiginnikkaluarneranut

qujassutaasut nassiunneqassasut. Tamatuma saniatigut GMM-imut nalunaarutigineqassaaq, isumaqatigiissutissamut missingiutaat amigaateqarpallaartoq, taamaattumillu NunaMinerals A/S-ip aningaasalersoqqinneqarnissaanut pilersaarutitut piviusunnorsinnaasutut naammattutut isigineqarani.

Allakkiassamut missingiut ilisimatitsissummut matumunnga ilanngunneqarpoq. Tassani allassimavoq siunnersuummi immikkoortut qitiulluinnartut Namminersorlutik Oqartussat naaperiaaffigisinnaanngisaasa ilaat tassaasut:

- Inatsisunik toqqaaneq aamma aaqqiagiinnngissutinik iluarsiniarnermut aalajangersakkat.
- Pisinnaatitsissutini soqutigisanik tunniussinissamut piumasaqaatit, aamma pilersaarut piviusunnortinneqassanngikkaluarpat.
- Aningaasanik ingerlaartitsinissamut ingerlatsinermullu missingersuutit naammangitsut.
- NunaMineralsimi akiligassaqarfigineqartut naammangitsumik ilisimasaqarfigineqartut, akiligassaqarfigineqartummi arlallit ilanngunneqanngillat imaluunniit eqqortumik allassimanatik.
- Ingerlatseqatigiiffiup, piffissamik eqquilluarnermut, sulianik ingerlatitsinermut aamma aningaasartuutitut missingersuutitaqartumik Københavnimi aamma Frankfurtimilu aningaasanik niuerfinni marloqiusamik nalunaarsorsimanera piviusorsiorpalaanngitsutut isikkoqartoq, aamma ingerlatseqatigiiffiup maannakkut inissisimanera eqqarsaatigalugu.
- Ingerlatseqatigiiffimmi aktiaatilinnut pioreersunut royaltymik akiliisarnissamut siunnersuut, kalaallit danskillu inatsisaat naapertorlugu pisinnaanngitsoq.

Tamatuma saniatigut allakkani erseqqissarneqarpoq Namminersorlutik Oqartussat pissutsit arlallit tupaallaatigigaat, soorlu ingerlatseqatigiiffimmut aningaasanut niuerfimmi nalunaarsorsimasumit pissusilerssuutigissallugit naatsorsuutigineqartunik atuutsitsinnginneq, GMM-ip pilersaarutaa iluatsissanngikkaluarpat Namminersorlutik Oqartussat suliakkiissutigalugit tunniussinissamik siorasaarinerit, kiisalu Namminersorlutik Oqartussani ileqqorluttoqarnera pillugu pisuutitsiniaanerit, siusinnerusukkut GMM-ip pisortaanit danskit nunanut allanut ministereqarfiannut nassiunneqarsimasut.

Ilisimatitsissummut matumunnga allakkat assilinerat ilanngunneqarpoq, taannalu Naalakkersuisuni ilisimatitsissuteqarnerup matuma kingorna GMM-imut nassiunneqassaaq.

Ilisimatitsissut manna tamatuma saniatigut Aningaasaqarnermut Akileraartarnermullu Ataatsimiititaliamut, suliap killiffia pillugu ataatsimiititaliap apeqquteqaataanut akissuteqaatitut, nassiunneqassaaq.

*Kim Kielsen*

  
Søren Hald Møller

## **Ilanngussat**

Ilanngussaq 1 GMM-imut allagaqaat tuluttut kalaallisullu

Fasken Martineau Steven Beharrell  Greenland Mining Management Ltd Patrick Newman	Copenhagen · 8 April 2015  <b>Steen Jensen</b> Partner, LLM  T +45 72 27 33 46 sj@bechbruun.com  Our ref. 048970-0002 sj/suli Doc. No. 13267862.1

Asasavut Mr. Beharrell aamma Mr. Newman,

### **NunaMinerals A/S**

Allakkassinnut 27. marts aamma 27. februar nassiussannut 31. marts 2015 akissutissinnut iluaqutaasunut qujavunga.

Kalaallit Nunaanni Naalakkersuisut peqatigalugit allakkannut qisuariaatisi, martsillu qaamataani ataatsimoorussamik pilersaarut nutaaq saqqummiussarsi misissorlugillu oqaluserisimavagut.

Pivusorsiunngitsumik ilimasuuteqalernissaq pilersikkumanagu isummiussap piaartumik ingerlateqqinnissaanik qinnuigineqarpunga, taamaammallu inerniliinermut atatillugu pineqartut annikitsortai tamaasa ilanngutinngikkaluarlugit allaffigaassi.

Naatsumik oqaatigalugu Kalaallit Nunaanni Naalakkersuisut NunaMinerals A/S-ip aningaasaliiffiqeqqinnissaanut pilersaarusiaasoq pivusorpalaartutut isigineqanngilaq, taamaammallu Kalaallit Nunaanni Naalakkersuisut NunaMinerals-imi aktiaatit pilersaarusiap pivusunngortinnissaanut atortussanngortinniannigilaat. Taamatuttaaq aamma pilersaarusiaq pillugu peqatigalusi eqqarsaatersuutersoqatigiinnerit oqaloqatigiinnerillu nangingneqarnissaat ilimagineqarani.

Taamatut isummernermut patsisigineqartut arlalissuupput, ilaatigut takuinnarlugit immikkut aalajangiisuusut, kiisalu pineqartut arlaqartut tunngavigineqarnerisigut ataatsimut isigalugu taamanna inerniliisoqarluni.

Siunnersuutigisassinni pineqartut pingaarnert isummernermut toqqammaviusut ilaatigut makkuupput:

- Inatsisitigut isumaqatigiinngissuteqarnikkullu aaqqiiniarnermut aalajangernissanut toqqaaneq
- Pilersaarusiaq pivusunngortinneqanngikkaluarpat naammassineqanngikkaluarpalluunniit akuersissutinut atatillugu soqutigisat nuunneqarnissaannik piumasaaqateqarneq
- Aningaasat atugassat ingerlassallu tungaasigut missingersuusiornert naammaginartutut isigineqanngitsutut ittut

- Akiligassa qarfiit arlalippaaluit ilanngunneqarsimangillat allattorneqarsimanatillu, kiisalu akiligassat allannngortinneqarsinnaaneriniq navianartutut isigineqarsinnaasutut ittut pillugit akiligassa qarfinnik naleqqutinnngitsumik niuerniarnertut taaneqarsinnaasorinartut.
- Ingerlatsiviup maannakkorpiaq inissisimanera eqqarsaatigalugu ingerlatsivimmik marloqiusamik nalunaarsuineq, piffissalersuineq, ingerlatsinissaq aningaasartuutissallu piviusorpalaannngitsumik tatiginnngitsutut isiginninnertut ittut.
- Akuersissummut akitsuusiinermut (royalty) atugassiaq Danmark-imi nunatsinnilu inatsisinut atuuttunut periarfissaangitsutut isigisariaqarunartoq.

Taamatuttaaq Ole Christiansen soraarniuteqarsimagaluarluni maannamut pisortatigoortumik pisortaanertut inissisimagaluartoq NunaMinerals pisortaaneqanngitsutut (CEO) oqaatigiuarneqarnera equngasutut maluginiarneqarpoq. Tamanna pillugu NunaMinerals-imit ilisimatitsissummik tigusaqarsimangilagut. Taamatut oqarnermut atatillugu mr. Joshua Hughes GMM-ip sinniisuatut imminut taagorpoq, piffissarlu iluatsillugu ilanngullugu NunaMinerals-ip sinniisuatut saqqummerluni. Soqutigisat aporaatsinneqarnerat, tamassumalu kinguneranik ingerlatsiviup siulersorneqarneranut saqqummerartunut tunngasut apeqqutigisimasavut akineqarsimangitsut maluginiarparput.

Kalaallit Nunaanni Naalakkersuisunit tupaallaatigineqarpoq allakkassinni oqaatiginiarneqarmat ilissi tungissinnit NunaMinerals-imut kajumissaarineq Kalaallit Nunaanni Naalakkersuisunit kinguneqarsinnaasoq, naak pisariunngitsunnguamik peqqissaarneq najoqqutarigaanni ingerlatsivik namminersortutut ingerlanneqartoq takuneqarsinnaagaluartoq. Isumaqarnerpoq NunaMinerals-ip suleqatigiiffinni assigiinngitsuni peqataanera, tamassumalu kingunerisai, naalakkersuinikkut inatsisitigullu kukkusumik paasineqarsimasoq imaluunniit paatsoortoqarsimasoq. Taamaakkaluartorli pasilliutitut saqqummiunneqartut tunngaveqanngitsutut kukkunerusutullu uatsinnit isigineqarput, taamatullu aamma siunissami eqqartuussisunut suliassanngortitsisinnaanermik aarlerisaarinermik pisinnaatitaaffissinnik ilimasaarineq assuarnartutut isigineqarluni.

Kalaallit Nunaanni Naalakkersuisut immikkut akilersillutik pissuseqarnerarlugit Danskit Nunanut Allanut Ministeriaqarfianut pisuutinneqarsinnaaneri eqqaaneqarmat, tassunga atatillugu GMM-imi isumaqatigiissusiorsinnaanermut NunaMinerals pillugu pilersaarusiarsi tamatumuuna aamma tatiginninnnginnermik suugaluartumilluunniit peersisimanissamik ilimasunneq kiisalu imminut pinngitsuutinnermut tunngasunik ujartuisimavugut. Taamaakkaluartorli taamanili ingerlanneqartut allakkasilu 31. marts 2015-imeersut innersuussutigalugit takusinnaasavut naapertorlugit pineqartumik peersisimanermik takussutissaqanngilagut.

Kalaallit Nunaanni Naalakkersuisut NunaMinerals-imi aktiaataat aamma pisassaat tungaasigut soqutiginninneri pillugu qujassaagut.

Allakkat assilineri NunaMinerals-imut nassiunneqarput.

Inussiarnersumik inuulluaqqusillunga

Steen Jensen